

UKUTEMWA KWA BULESA

 ...ilyo twafuminefye mukulongana, nokutampako ukuya mukumona namayo umo, cibusa wesu, Missisi Dobbleman, kulya ku Edmonton, ku Alberta. Kabili twalifye ba mailoshi amakumi yabili ukufuma pa mupaka wa Canada, lintu twapokelele amashiwi ukutila munyinefwe alefwa. Eico twaishile pilibukafye, ukupita mumfula yabuuta iyacipupu, kabili twaile kung'anda, icatulengele twaba inshiku ikumi limo nabumo mubulendo. Kabili twafikile mailo mubushiku nganshi, kabili twaikelefyeye mubushiku, nokubuka nakabili mulucelo, eico natunaka nganshi.

² Lelo lilya linefye Nafikile kuli bamayo, panuma yakukwata icifulo uko twingayako nakabili, batile, “Munyina Neville ali kuno.” Uyo ni kakumba umwine mwine, mwebantu. Balya ni bamo...Ifwe mucine tuletasha pali ico. Nomba, cena limbi tekuti...Limbi, abatemwikwa benu tabatalafika pali ico icifulo, limbi. Lelo muli ora ya bwafya, ilyo mwaishiba ukutila icintu cimo cilecitika, kabili mwaishiba ukutila cibusa wenu akaba fye naimwe. Nokubutukila kuli munyinane.

³ Kabili nomba lintu Naile, lilya linefye Naingile mukati, nacinjishefye ifyakufwala nokuya kulya. Ninani Nasanga mumuputule, alepepa, ni Munyina Neville; ali mumuputule mulya pamo na Howard, mwipepo.

⁴ Ndi—Ndi uwatotela pali ico. Kabili Ine—Ine kuti natemwa ukulanda ico pano pene pa cintamba, nga fintu lyonse Nanda, “Kuti natemwa ukukupela iluba lya rosi ilinono nomba, ukucila umwina onse panuma iwe waya.” Ino ine e nshita iyakucita ico.

⁵ Kabili Ndetotela Munyina Neville. Kabili Ninjishiba ifwe bonse tulacita, ukushinguluka cino chalichi, pakuba kakumba uwashipa. Ukumulangishafye ifyo mulemutotela, imyeni amaboko yenu nga *ifi*, kuli Lesa. Ico eco. Natotela. Ico icine cine cintu cimo ico...

⁶ Naile ku ng'anda; Naebele umukashi wandi. Natile, “Wemutemwikwa, ilyo Naile nokukonkonsha paciibi...Naile umwakupita, nabelenga icipepala, nokumona icalubene. Kabili naile kulya, kabili Naumfwile icintu cimo mulya. Kabili Nakonkweshe ku ciibi. Natontonkenye ukutila muntu alelanda. Amwikalike pabusanshi na Baibele, bonse babili ninshi nabakontamika imitwe yabo, balepepa kuli Lesa, ilyo Naingile mukati. Tapali nangu cimo ico nacidile lelo nailundile pamo nankwe mwipepo.”

⁷ Kabili—kabili, nacimbi, ipepo lyandi, lileebe Lesa ukutila Ndetasha pali cibusa wandi umwine mwine kabili kakumba umwine mwine. Kabili lekeni Munyina Neville akekale

inshiku ishingi muli ili sonde, ale—alebombela Shikulu. Ndecetekela Lesa alimusunga pano imyaka iingi, iingi imyaka, uku Mubombela, umuntu umu uwabulamba. Calipuma umutima wandi ukucila icintu ili conse ico Nakwatapo panshita ntali.

⁸ Nomba, ilingi line, nomba, ukutla...I sukuulu lyapa Mulungu talilati lisalanganishiwe, mu—mubana. Eico Nacitontenkanya ukutla, limbi, nalimo twalapepelako abalwele. Nshacibilisha ukutla ndeisa, nokupepelako abalwele. Lelo nga kuliko umu muno uwakupepelwa, lyena twalabapepelako.

⁹ Nomba, nga Nkashi Gertie, ena nga kuti aisa kuno, tulishisheniko *Shing'anga Umukalamba*. Kabili twalalomba Shifwe uwa mu Myuulu, nga kuti Apala abo abale Mukabila ileelo. Nomba tulefwaya ukucita ico, bonse abalwele nabalekabila, balongane ukushinguluka icipailo.

¹⁰ Nshilubile, bushe uyu ni Nellie Sanders uuleeingila muno? Owe! Lesa akupale, Nellie. Imyaka amakumi yabili na isano, eflyo caba. Lesa akupale, Nellie. Nacilalolesha, akashita akapita, nokukumona. Kabili Nshacilafwaya utontontkanye... ndelolesha, ukulalolesha umuntu. Nacitwalililapo ukulolesha kunuma, kabili Nacimona kwati acimoneka nga Nellie.

¹¹ Tapali nangu umu pali imwe pano limbi uuleibukisha. Ndetunganya bamo pali imwe...Nibanga abalemwibukisha Nellie Sanders? Ukuba, mucine. Kabili ena ewali umu pabantanshi ukwisa muno mwihe. Ena nomukashi wandi uwaya bali bacibusa bapamutma kabili inkashi, muli Kristu. Kabili bena...Aupilwe pano, umu pababomba incito yakuipeleshafye ukwabula amalipilo ku Volunteers of America, umubomfi ubomba umu. Kabili ena, munyinefwe, aliya mukuba pamo na Lesa. Ukumusha, Ndetontontkanya, na balumendo babili, Ndetontontkanya; abana bamo, nangu cibe ifyo, bamo muli bena bacili mu suku. Kabili Nellie aleendauka umwine eka, kabili aleisafye munyaka iyamwenso kabili uwaumfwa ububi. Alintumine ilyo Nali mu Phoenix, ku Arizona, mukulongana, ukuti mupepeleko. Ifintu ifingi nafibwekela kunuma, Nellie, kunshita ilyo ubufungau panshi, naiwe na Hope, ulya umukashana Adcock, kabili abengi muli bena bali kuno lubali. Ilya myaka ingi iyapitapo, imyaka amakumi yabili na isano iyapitapo. Alepitafye. Tule—tuleya mumusebo, bwangu, ico nacilungama.

¹² Ukuba, Lesa abe naimwe nomba. Bonse abalwele kabili balefwaya ukwisa shinguluka icipailo mukupepa, kakumba wesu na Ine tuli nokwampama capamo mwishiwi lyepepo pali iwe. Iseni kuno kuntanshi.

¹³ Nomba, panono fye, panuma ya ici, i Mbila iipi kuli imwefye, iyakulongana kwakushimikila. Ukukabila kwandi kwakuti mwikale. Twalafuma mukulongana kwe sukuulu lya

pa Mulungu, panuma ya kupepela abalwele. Nomba twalaya mukulongana kumbi, kabili Ninkwata ifyakubilisha ifinono ifyakucita.

Uyu Shing'anga umukalamba nomba ali
mupepi,
Yesu uwankumbu;
Alanda kumutima wabulanda ukuti ube
nensansa,
Takwaba i Shina limbi kano Yesu.

¹⁴ Nomba, nga kuti twaingila mwisenge lya ili ipepo, ukundapa kwa umo nomunankwe pakwishiba ukutila Lesa ali pano, kabili alilaile ukwasuka.

¹⁵ [Munyina Neville atila, “Nkashi umo alefwaya ukumupepelako.”—Kale.] Ee, ico cili fye bwino, twalaya kulya nokumupepelako, namayo uwikele panshi. Mucine. Cisuma, Munyina Neville, bushe kuti waisa, nokwafwilisha?

¹⁶ Nomba, nga kuti mwabafye abamucinshi nga fintu mwingaba, abana abanono baleikala pafipuna fyabo. Kabili natupepe nomba, pakutila ilyo twaya mukusuba abalwele nabacushiwa, tuli nokukwata icicetekelo muli Lesa, icakucetekela. Kwateni icicetekelo ico Lesa ali nokukwata.

¹⁷ Imwe bonse mwebali mwibumba, abali bwino, muno lucelo, tamulekabilwa ukwisa ukushinguluka icipailo, tontonkanyeni fye nomba, ukutila, cena cali kusenamina kwakwa Lesa eku muletele kuno. Nomba pepeleniko aba bambi abali pacipailo pano, abaice nabakalamba.

¹⁸ Nga fintu ulutambi lwabo pano pe hema, tutuma kakumba, alesuba. Ifwe kubapepelako. Kabili nomba tutuma kakumba, alesuba. Ndeba nankwe, ndebika indupi pabalwele, ilyo alebasuba. Amalembo, “Subeni umulwele amafuta, mwi Shina lyakwa Shikulu. Biken i indupi pali bena, kabili bali nokundapwa.” Amalembo!

¹⁹ Nomba, imwe bonse, capamo, ilyo mulekontamika imitwe yenu nomba, ilyo tulepepelako abalwele capamo.

²⁰ Mwe Shifwe uwa mu Myuulu, twaisa mu Kubapo Kweni ukwa kwa Lesa nomba, mukupepelako abalekabila, abalwele, abo abashinga yafwilisha abene. Kabili abengi muli bena, Taata, balipita pakwafwiwa ukwaba dokota. Takuli nangu cimo icinga citwa kano ukusenamina Kweni kwapelwa kuli bena. Napepa, mukuicefya, ileelo, mwe Lesa, nomutima wandi onse, ukuilunda kuli ici chalichi icinono, ukutila Mupashi wa Mushilo umukalamba, uyo uulipo nomba, ukushininkisha i Cebo cakwa Shikulu Yesu ico catile, “Apo ponse apo babili nangu batatu balongana mwi Shina Lyandi, Ndi nokuba pakati kabo. Ngacakutila baipusha icili conse, ukulola ku cintu icili conse, bali nokupokelela ico.” Ico e Cebo Cenu ica Muyayaya, Shikulu,

ico icalandilwe ilyo umufula we sonde taulabako, yalipelwa kuli ifwe na Kasesema, ku Mwana wakwa Lesa, Umwine.

²¹ Nomba, ukukabila kwesu ukwashika nomba, Taata, ni Mwe ukundapa abalwele, abalekabila abashingulwike icipailo. Napepa ukutula Mwalapela fye cila umo ipalo ilyaibela ilya citetekelo ino ine nshita. Ukutula, ilyo tuleya, umubomfi Wenu naine wine, tulesubasuba nokubikapo indupi pa bantu, lekeni Mupashi wa Mushilo akontame panshi, necicetekelo mu mutima wandi, kabili lekeni cila umo ondapwe. Twalomba mwi Shina lyakwa Kristu, pa mulandu Wakwe.

²² Nomba ne mitwe yenu iyakontamikwa, cila muntu mwipepo, kakumba na Ine twalapepa. [Tapali mashiwi pali tepu—Kale.]

Imyuulu ne sonde file Mulumbanya,
Imyuulu ne sonde file Mulumbanya,
O mwe Shikulu Uwa Sansamisha.

²³ Shifwe Wesu uwa mu Myuulu, tule Mutotela pesambililo lye sukuulu lyapa Mulungu, ifyo casunkanya imitima yesu. Lekeni tuikake fwebene muno lucelo, kabili nokufuma mucifungo cakukana cetekela, nokuba abantungwa ilyo tuleenda. Twalishiba ukutula Malaika wakwa Shikulu ali nokuya kuntanshi yesu, aleshininkisha i Cebo cakwa Lesa, kabili kakuleni cila umo muli ifwe ukufuma kufifungo fya mwenso, namalwele, namacushi, namalwele, nokucushiwa, pantu Lesa alilaya ukucita ico. Bonse abeselwe mumiblele, muno nshita yalucelo, lekeni u Lubuuto lwakwa Lesa lubalike pali bena, buno bwine fye ubushiku. Kabili lekeni baye ukufuma pano, abantu abaundapwa. Twa Mutotela pa Mbila kabili napa Cebo Cenu, pa butungulushi bwa Mupashi wa Mushilo. Fikilisheni aya mapalo, Taata. Kabili nomba beni naifwe mu kulongana kwa kushimikila ukwa lucelo, pa iinono, i Mbila iipi iileiisa. Twaipusha mwi Shina lyakwa Kristu. Amen.

²⁴ Nomba, panshita fye iyalinga, abo abalingile ukuya nomba, natwimininekofye ilyo tuleimba ulwimbo. Pa-... *Bula I Shina Lyakwa Yesu Pamo Naiwe*. Bonse abo abali nokuya kuti basalanganishiwa. Bonse abo abengekala pama mineti sate, ifwe twalaba abansansa ukuti mwingekala. Nacilungama.

Bula i Shina lyakwa Yesu pamo naiwe,
We mwana wabulanda na...

Pilibukeni nokuposhanya mu maboko no muntu umo uuli mupepi naimwe.

...likakupelo buseko,
Lisende Lyena konse uko uleya.

Ishina Lisuma, (Ishina Lisuma!) O ifyo lyawama! (O ifyo lyawama!)

Isubilo lya e sonde nensansa... (...?...)

...kabili...

²⁵ Ameni. Kuti mwaikalako. Kabili Shikulu amupale imwe bonse, abakankala icine cine, abasuma. Elyofye Namona, natukwata *Ukusengela Iicetekelo* pano, ubutantiko ubunono, ipepala ilinono ilyakwa Munyina Joseph Boze mu Chicago, munyina umusuma nganshi. Ifwe lyonse... Twalikwete isenge ilikalamba nganshi, umo nomubiye. Ifwe tulakwata inshita isuma cila nshita ilyo tuya ku Chicago. Pamo fye nankwe, inshita shabushiku ishinono ishapitapo, nakabili. Kabili bena bantungwa. Iseni fye, musendeko bumo, panuma yakulongana kwapwa. Bweni buli apa.

²⁶ Nomba, tuli abansansa ukumona abengi pali imwe abekatilile kuli Kristu. Kabili nomba, pakashitafye akanono, Ndefwaya ukulandafye icintu cimo, pamulandu wakuba pano pamo naimwe.

²⁷ Ninaka. Ishiwi lyandi nalicepa. Kabili Nalikwete ukulongana ukukalamba. Mu Indianapolis, kwali ukukalamba, ukulongana ukwafina. Kabili nabulya bushiku twali abansansa pakumona imyanda ne myanda ukupita muli lilya ihema, mupepi na makana ikumi abantu abekele, balishile nokupela imitima yabo kuli Kristu, mubushiku.

²⁸ Na Russell Ford nabonse, ifyo basansamwike. Kabili—kabili umulimo uo Cadle, Munyina Cadle watendeke imyaka iyapitapo, acili aletwalilila. Namwishiba, kuti Nafwaya ukukwata incende iyapala iyo, panshita imo. Nincende iyawamisha intu Namonapo, fintu fye baipekenye. Kabili palibafye icintu cimo pali bena, palya. Ndeingililamo Ine ndacinja cinja. Lintu Namona umulimo ukukalamba untu umuntu umo atampa, Nalikwata imyumfwile pali ico.

²⁹ Nomba, ninkoma ishiwi, kabil twali pamuulu walupili, ukwesha ukuya ku mwanakashi umulwele, cibusa wesu, pamuulu kulya ku Canada. Twalifye abaipekanya ukuwabuka umupaka wacalo, ilyo Naumfwile amashiwi kuktila munyinanwe alefwa, kabili nabwekelemo. Kabili twalyenseshe akasuba nobushiku, nobushiku ukukonkanya, twapwile inshiku ikumi limo natwikala muli motoka. Eico kuti mwaengelaya ifyo ndeumfwa muno lucelo.

³⁰ Kabili, lelo, Ndetasha kuli imwe bonse, nakabili, pakupepelako munyinane, pantu ena, aleemoneka kwati, ali munshila iyakundapwa nakabili. Lesa alimupela inshita naimbi. Kabili eico Nde—Nde mutotela, kabili Ndelumbanya Lesa pafintu fyonse.

³¹ Ubusalo ubwingi bwalipangwa bulekabila ukupangwa. Ubulendo bwakushinguluka isonde buleisa. Africa ilebeka pacinso candi. Nencende konse konse, mpaka Nafilwa ukwishiba inshila yakupilibukilako, konse konse, konse konse. Kabili kwaba, ayenga ikumi limo nangu ukucilapo, iikalamba, ikankala imisonkano ilipo ino ine nshita ilecitika nomba

line, nacila imo ileita ukuyako. Mfwile ukupanga ubusalo bumo, muma ora amakumi yabili naine ayaleisa, pafyakucita ifyalakonkapo. Eico, mpepeleniko. Mumpepeleko. Kabili Nde—Ndekabila amapepo yenu.

³² Ndesubila, ukwisala cilya icakupupilako umwela, tacamusakamike bonse mwebali kuno kuntanshi, pali mineti.

³³ Na—Nalisangwa mufintu ifingi nganshi mu mweo wandi ukwenda mumulimo wakwa Shikulu mumibele iyapusana pusana namalwele no—nobulebe. Kabili Nalikumbatilapo abafibashi, nokuposhanya nabo muminwe yabo, no—no musango onse uwabulwele. Kabili naile mufikulwa fyabo umo basungila abantu abashisakana namabumba, nefintu fyonse, ukushinguluka isonde, mubutuntulu.

³⁴ Kabili Nshi—Nshi—Nshili mulumendo nakabili. Nellie, Ndemona walishiba ico. Kabili Ndeya ndelola ku nkulo... Nomba Naliumfwa palwakwa Munyina Bosworth, ubushiku bumbi kulya, mupepi ne myaka amakumi pabula iyakufyalwa. Kabili ena, lintu Nali mu Indianapolis, akwete ubulwele bwakukambantana kwa mulopa ubwali mutima wakwe. Ena alikwete imfwa iyalewishaa pa mukolomino wakwe, ukwabula ukufwa. Missisi Bosworth alintumine lamya ukuti mupepelako.

³⁵ Naile kulya, kabili twalibilishe ico nokutendeka ukupepa. Ubushiku bwakonkelepo, alinjitile, atile, “Kuti natemwa ukuba mukulongana naiwe, inshita imo.” Nomba Ndeumfwa ifyo pano, pamyaka amakumi yane na cine lubali iyakufyalwa, Mfwile nayumfwila insoni nemwine. Lelofye—lelofye iciputulwa ca muntu, Ndemona.

³⁶ Lelo, oh, ifyo caba icikankala, kabili ifyo caba icawama! Takwaba nangu cimo icapala ukupusuka! Ukupusuka! Ukutula, tawaishiba, cibusa wandi, Ndi uwashininkisha, ukutula ciwa alatalusha ico kuli iwe ukulingana ngapo engafika, (alacita kuli ine), ukwiluka ubusuma ubwa mweo ifyo bwaba. Bushe mwalitalafye amwelenganya ifyo cena caba, kabili ifyo u Muyayaya cipilibula, nefyo mukaposa inshita ukuba muli ulyo musango? Mwamona? Ilukeni, ino e nshita ilyo mulepanga ukusala kwenu ukwa Muyayaya.

³⁷ Pa Mulungu wafumineko, pamo naimwe muno, Ndecetekela Nashimikile pacakushininkisha, amaka ayo Lesa alaile; nokukulashika kabili nokukwita ilyo umufula wesonde taulabako, nokubika ishina lyobe mwi Buuku Lyakwe. Tawakwetepo icakucita neco. Lesa ewacitile ico. Bushe ico tacawama? Umwana wa Mpaanga aipaiwe ilyo umufula we sonde taulalengwa, kabili (mulandu nshi?) tacacitikepo mpaka panuma yamyaka amakana yane. Lelo, Lesa, ilyo Alandile ico, Alingile ukucicita, pantu Alingile ukusunga i Cebo Cakwe. Kabili inshita imo ine ilyo u Mwana wa mpaanga alembelwe, ilyobe...iwe walembelwe pamo Nankwe. “Amashina yesu

yalembelwe mwi Buuku Iya mwana wa Mpaanga ilya Mweo,” te bushiku ilyo twaisa kuli Kristu, lelo, “ilyo umufula we sonde taulabako,” Baibele efyo yalanda. Eico ico e cishininkisho. Kabili munyina acikata pali ico muno lucelo muli uku ukubelenga kwe sukuulu lyapa Mulungu ukwawamisha.

³⁸ Nomba natubelengefye Ilembo pa cifulo cimo, pakashita fye akanono...Ndefwaya...cintu fye cimo icili pa mutima wandi. Ndefwayafye ukulanda ico pakashita akanono, elyo nomba tufume. Nokwenekela ukulongana nakabili munshita ya bushiku. Kabili nomba, Ninkwata imbila pa mutima wandi, ukubwela ubushiku bumbi, kabili Ndefwaya, nga Lesa asuminisha, nga Nabwela ubushiku bwapa Mulungu uleisa, ukucileta kwiwema umuku wakubalilapo. Icintu fye cimo icili pamutima wandi, munshita.

³⁹ Naile muncende imo iyakulilamo. Kabili Natontonkenye ukutula, “Ukuba, bushe Ndeya ndefulungana? Cinshi icilecitika kuli ine? Ndafilwa ukushipikisha palwa ishi nyimbo nafyonse ifi fintu pano ifyo bakwata ileelo, aba abanakashi abawelewele bemba ukutula, ‘Kulya, ukufuma mwi—mwisano lyabuta,’ nangu...nafyonse ifi.” Natile, “Pafwile pali ifilubene naine.”

⁴⁰ Kabili Mupashi wa Mushilo atile, “Oh, iyo. Oh, iyo. Nga mwatemwa isonde nangu ifintu ifya mwisonde, ukutemwa kwa kwa Lesa takwaba muli imwe.”

⁴¹ Eico Natontonkenye ukutula, “Ukuba, Nshilefwaya ukuba uwailinganya kuli ili sonde. Ico nacilungama.”

⁴² Kabili nomba Mupashi wa Mushilo atampile ukusokolola iyi Mbila kuli ine. Ine tekuti nkwate inshita muno lucelo; naciba uwanaka nganshi, kulubali lumbi. Nalimo, Shikulu ngasuminisha, pa Mulungu uleisa ulucelo, nga tucili muno. Ninkwata amalendo yamo ayakupanga uno mulungu. Lelo nga cakuti Nkabapo ubushiku bwapa Mulungu mulucelo, Lesa nga asuminisha. Munyina Neville akabilisha ico pa pologulamu yakwe, pa Cibelushi. Kabili ifwe tukabamo, ukwesha ukuleta iyi Mbila. Kabili Ndefwaya ukwesha uku Ileta munshila imo. Yena ni Mbila ya Mbila nsuma iya muli buno bushiku, ora, nenshita.

⁴³ Ico, Nasobele, imyeshi mutanda iyapitilepo, ukutula uno wali mwaka wakwisalila uwakwa America. Kabili twalamona nga cakutula efyo cili, ukulingana ne Mbila nsuma, nangu iyo. Iyo ninshita intu aya. Afwile aleya pamuulu napanshi, uno mwaka. Ico nacilungama.

⁴⁴ Nomba, mwebaice abanono, Ndefwatya mulete akapepala, nokulemba pepepala lyakutendeka nangu ilyapampela iya Baibele, pakutula ilyo Munyina Branham apita, nalimo, muli nokumona nga cakutula Nali uwalungika nangu mucilubo. Mwamona? Kabili muli nokwishiba nga cakutula Shikulu acili alelanda naine, mwamona.

45 Nomba, mu Bena Roma chapitala 4, Ndefwaya ukubelengafye i—iciputulwa ca Cebo, ukutwalilila.

Cinshi ico twalalanda nomba ukutila Abrahamu taata wesu, . . . ukulola ku mubili, nasanga?

Pantu nga Abrahamu aali uwalungamikwa ukupitila mu mulimo, nga ali uwakatamikwa; lelo tekuli Lesa.

Pantu amalembo yatila shani? Abrahamu acetekela Lesa, kabili capendelwe kuli ena kubulungami.

Nomba kuli uyo uubomba tecilambu icishaishibikwa kukusenamina, lelo inkongole.

Lelo kuli uyo uushibomba, lelo acetekela muli uyo uulungamika abashakwata lesa, ukucetekela kwakwe kupendelwa mubulungami.

46 Kabili lekeni Shikulu alundeko amapalo Yakwe ku Cebo. Nomba isambililo ilinono, nga cakutila kuti lyaitwa ico, ilyo Ndefwaya ukulanda na imwe, ni: *Ukutemwa Ukwa Bulesa*. Kabili ilyo ukutemwa kukalamba ukwakwa Lesa kwalangishiwa kabili kwafika kuncende, ukusenamin, ukusenamina ukwaiteka kulasenda incende kwaiko. Mwamona? Nomba bushe kuti mwatontonkanya pali ico? Nomba tontonkanyeni pali cena, eico ifwe twalacipalamika mupepii nomba. Mwamona? Ilyo ukutemwa kwa Bulesa ukwa maka kwalangishiwa nokwisa kuncende yakuko, lyena ukusenamina ukwamaka ekutungulula.

47 Nomba cena cili i—icintu iceni icakutila ifyo abantu, umusango wa bantu kabili nefyo tucita, mukwampana kwesu. Nomba, ifwe bonse tufwile twalolenkana nefishinka, ukutila kwaliba abantu abo iwe watemwa ukuba mupepi. Kabili kwaliba abantu ababa abantu basuma, kabili walibatemwa, lelo kwalbapo ifintu fimo palwa ulya muntu icakuti tekuti—tekutifye wikale apo ali. Nomba tulefwaya ukulanda pafyo ifintu fyaba. Nomba umulandu cabela ifyo wakutila, mulandu wa mibele uyo muntu, umwine umwaume nangu umwine umwanakashi, apanga.

48 Pantu, imwe muli kabumba munono, pantu muli bana baume nabana banakashi abakwa Lesa. Te mulandu ifyo mwaingilamo mulubembu, mucili bana baume nabana banakashi abakwa Lesa, pantu mwalipona, mwalyonaulwa, mu mweo wenu namano. Lelo Lesa e Kabumba wenu. Kabili mumibele yenu iyapona, mwaliluba, abaonaika ifibumbwa fyakwa Lesa abatekwa na ciwa, ico nacilungama, lelo nalyo line muli bana baume nabana banakashi bakwa Lesa. “Ena tafwaya ukutila uuli onse muli imwe onaike, lelo bonse kuti baisa mukulapila.” Mwamona? Kabili Alicita fyonse ifyo—ifyo ifingacitwa kuli. . . Lesa fye Umwine Eka uwingacita ici, ukupela i—ishuko ku cibumbwa Cakwe, ukusumina kabili ukuba ifyo Alefwaya imwe ukuba, ukubwekela mumibele iisuma nakabili. Kabili takwaba umuntu. . .

49 Nomba ici cili apa, kabili caliba icatwa nganshi: Lelo takwaba umuntu uwaba mumubele wakwe uwalungama kanofye apokelela Shikulu Yesu. Ico cebo icashika, lelo ico cishinka. Takwaba umuntu uwaba mumano ayalungama, mpaka apokelela Kristu Yesu ngo Mupusushi wakwe. Ico cileumfwika ica- . . . Lelo cena ni Baibele. Mucine, ico cishinka. Ena e Umo. Kabili mubuntu bobe ubwabumbwa . . . Nomba, uli nokuba uwafulungana, kwisonde, ilyo wacita ico. Pantu, ulingile ukufuma mu mibeke wabamo, nokwingila muli iyi mibele imbi. Nga wacita ico, Lesa kukwimya ukufuma mwisonde, kabili walaikala mumubele yamu myuulu. Mwamona? Kabili nomba, kwisonde, ulifye uwapusanako kufyo ico caba. Mwamona? Kabili Ici cintu capusanako nesonde. Mwamona?

50 Nomba ico ulefwaya ukucita, kwimishiwa na Kristu, mu—mulwelele, uko uba nensansa, uwa mutende. Kabili nomba, mulya, iwe wapanga imibele.

51 Kabili nomba, inshita ishing, ifwe mu machalichi . . . Ici kuti camoneka iceni, lelo nga uli nokuloleshafye pali cena. Nomba, ici chalichi, ca bantu. Abantu balapokelela umupashi waumo nomunankwe, mucifulo cakupokelela Mupashi wa Mushilo. Nga mwaya mwibumba lya bantu, muloleshe umusango umuntu acitilamo. Kabili—kabili balya bantu abasuma abesa muli lulyo lukuta, icintu cakubalilapo ico mwishibe, bena bacita ifintu munshila imoine. Imwe lyonse . . .

52 Nga mwabula umwanakashi umusuma no mwaume umubi; kabili ena limbi akomfwa . . . Ena nalimo akaba umwaume umusuma, nangu umwanakashi aba umubi. Kabili imibele iyo wikalamo, ulangisha ku fibusa fyobe ifyo waba.

53 Nomba tufwile twaba abantu bamusango shani nga cakutla tuli bena Kristu? Mibele yashani tufwile ukwikalamo? Muyakutalalika, iyakulesha ubukali, iyakuposha imibele, eyo tufwile ukwikalamo, nemitima yesu iyaba mumapepo ukutwalilila, necitemwiko icashika kumuntu onse uo tulekumana nankwe. Kabili ico kuti caba . . .

54 Ngacakuti Nalanda ici, ku chalichi icinono icimpepelako, pa mulimo wakupita mwisonde, uko kutunguluka kwandi mukupepela abalwele. Ngacakuti tekuti Njingile mummyumfwile yakulwala nomuntu, tacafwilisha icintu nangu cimo. Iwe ufwile waisa panshi mpaka cena cabafye . . . Kabili wacumfwa, wemwine.

55 Kuno inshita imo akale, umwaume umukote umu Mexicani kucintamba, ilyo abutukile pacintamba. Necicetekelo icingi, aliponene, afumishe kolona yakwe. Na—Namwebele ukutla, “Tailekabilwa,” kabili ukupitila muli kapilibula, Munyina Espinoza. Eico, ena alimine. Alinkumbete, atendeke ukuya munshila imo. Ali nimpofu. Naloleshe pali ena. Naloleshe pali yalya amakasa yamikone, limbi tatalile afwalapo insapato,

mumweo wakwe. Naloleshe kunsapato shandi, nokumona nga kuti shamulinga. Nga nalimupele insapato shandi. Ali uwapofula. Kabili Naliloleshe, ali uwakulako pamapeya. Umwaume umutulushi, afinine imyanda ibili nafimbipo, Ndemona. Ena nga tafwele ikoti lyandi.

⁵⁶ Kabili ilyo aiminine palya, nemishishi yamfwi, Natontonkenye pali bataata. Natontonkenye ukutula, “Batata abekala ukufika pamushinku uyu, nga bali nemyaka imoine, nga bali aba abaume, imyaka nalimo amakumi mutanda na mutanda nangu amakumi cine lubali ayakufyalwa.” Kabili Naishilemutemwa ulya muntu, eflyo Natontonkenye. “Limbi ena takwetepo icakulya icisuma, mumweo wakwe. Limbi taikelepo pe tebulo, mumweo wakwe.” Nafyonse ifi, kabili nomba nokwenda mumfifi.

⁵⁷ Elyo Icintu cimo caishile mu mutima wandi. Mwe Lesa kwateni uluse! Muntu. Ni munyina. Lyena, ilyo Cilya cauma, kulaba icintu cimo icisuba. Palaba ububumbo ubutwalililapo, kabili iwe uli... Cilungamaa uyu muntu. Munshita iinono, Namumfwile alepunda icintu cimo pakubeya kwandi. Kabili alebilibikisha ukutula, “Ndemona. Ndemona.”

⁵⁸ Cali ni cinshi? Ukutemwa kwa Bulesa. Uluse lwalangishiwe, ku Mupashi wa Mushilo, muli uyu muntu. Kabili kuli ico, kumpela ya musebo, uko ena tekuti... Takuli nangu cimo icinga citwa. Kabili ukutemwa kwalisendele icifulo caiko, kabili ukutemwa kwakumenye ukutemwa, kabili ukusenamina ukwapulamo kwalitampile ukubomba. Kabili Lesa, ukupitila mukusenamina ukwapulamo, abwekeshepo ukumona kwa ulya muntu. Mwamona? Mukubalilapo, ufwiile waingila muli lilya itontontanyo.

⁵⁹ Uyo e musango ulingile ukucitilamo ku mubembu. Abantu abengi balapepelako ababembu. Ico nacilungama. Lelo iyo te nshila yakunonkelamo umubembu. Wena mulimo obe ukunonka umubembu. Tekuti umunonke ukupitila mukumupepelako. Kumunonka, ku—kumunonka ukupitila mukulanda naena, nokumulanga, Kristu. Uyo e mulimo obe. Iyo e ncito yobe, kunonka ababembu ukupitila mukulanda nabena. Kabili ukulangisha kuli bena ukutemwa kwa kwa Lesa, ukupitila mu Cebo cakwa Lesa, ico cileta umubembu. Umo umuntu atile, “Ine teti nje ku chalichi. Ine mucine nalitemwa *ulya* umwanakashu. Nalitemwa *ulya* umwaume.” Mwamona, pantu iwe ulebaleta. Nga waikele ku ng’anda kabili wapepelelefyu umubembu, tawatalile aumukumanya, kuti cabombafye panono. Lelo ulingile ukupepa elyo waya. Ico nacilungama. Kabiye nokucita ico. Nomba, kulangisha uku kutemwa.

⁶⁰ Pano panshiku ishinono ishapitapo, Naleumfwa kubunte ubwa ba—balepanga ifyela fyakuliminako, naiminina pacintamba. Ukuba, kwaikele ba shimakwebo ukufuma

mwisonde lyonse, nabekala pacintamba, noyu umuntu wakulima. Alimine, atile, “Ukuba, Nshaishibe umulandu Nali nokubombelwa.” Kabili Nalimutemwa uyu mwaume. Kabili nikakonka umukalamba uwakwa Munyina Roberts, cibusa wesu. Kabili eico lintu... Atile, “Lintu Nasangile ukutila Nalelwala nokukwata ubwafya bwa mabwe, amabwe yamumfyo, Nalilile icakulya ca cungulo pamo na Munyina Oral.” Kabili atile, “Munyina Oral aiminine nokutila, ‘Nomba, munyina, Nde—Ndemona ukutila uli mubwafya, eico,’ atile, ‘Ndi—Ndi nokukupepelako.’”

⁶¹ “Kabili atile, ‘Ukuba, Shikulu alumbanishiwe! Nacilafwayafye iwe ulande ico, Munyina Oral.’”

⁶² Kabili atile, Oral aishile nokubika amaboko yakwe pa mfyo shakwe, “Kabili atile, ‘Naebaula ili libwe lyamu mfyo, kabili nokusha uyu muntu palya pene.’” Kabili atile, “Lintu acitile ico,” atile, “Naumfwilefye bwino.” Kabili atile, “Pakashita fye akanono, lyalibwelele nakabili.” Atile, “Nalibwekele kuli Munyina Oral.” Kabili atile, “Alipepele nakabili. Naliumfwa bwino. Lelo, inshita yonse lyabwelele fyaishile bipilako.”

⁶³ Kabili atile, “Nomba, icintu cimbi ico Natontonkenyepo, ‘Nga kuti Naya kulya,’” atile, “‘kuli Munyina Branham, kabili nga kuti naiminina kucinso cakwe. Kabili Mupashi wa Mushilo aishile kuli ena, ali nokunjeba nomba umulandu ukutila Nshaundepwe ilyo Munyina Oral ampepeleko.’”

⁶⁴ Eico, aishilefuma, nokwisa ku Louisiana. Nali mukulongana kulya. Kabili Naliminine kuntanshi yakwe, pali ba miniti amakumi yabili. Mupashi wa Mushilo ali tondolo, talandilepo nangu cimo. Namupepeleko, kabili atile aliumfwako bwino. Kabili aikile panshi, nomba aile, aishilekwata umwenso nokusakamana, nensansa ishing. Aile ukufuma ku ncende imo ukuya ku ncende imbi, umuntu onse, “Mupepeleko! Mupepeleko!” Kabili alitemenwe Shikulu.

⁶⁵ Lelo, mukulekelesha, caishilefika pacifulo cakutila aali... bamutwele kucipatala ca Mayo. Ba Mayo balimubebete, nokutila, “Ukwete imo ukufuma mwikana limo peshuko lyakuba nomweo. Calileta ifilonda. Umubili obe onse ni sumu, nemisu,” kabili, oh, Nindaba fyonse ifintu. Atile, “Ukwete imo ukufuma mwikana limo ishuko.”

⁶⁶ Eico, atile, “Nalicisendele.” Atile, “Nalipepele ukutila, ‘O mwe Lesa, Mwalishiba ukutila Nalimitemwa. Kabili Naliya ku babomfi Benu bonse.’”

⁶⁷ Kabili ena aeseshe ukucita ico, kabili bamubikile mutulo. Kabili atile, lintu abukile mu muputule, atile kwali u Lubuuto ulwalebengeshima mu muputule, kabili no Bukata bwakwa Lesa bwalimushingulwike.

⁶⁸ Kabili ba dokota basungwike. Baleisa mukati, nokutila, “Ukuba, cinshi icicitike pano?”

“Mulandu nshi,” atile, “Ndeumfwa kwati kuya kung’anda.”

⁶⁹ Cali ni cinshi? Mwamona, ena akulile isubilo lyakwe pali, “Nge cintu icili conse cacitika kuli ine, Ndi nokuya kuli Munyina Roberts. Nga cilya cafilwa, Ndi nokuya kuli Munyina Branham.” Kabili, libe, alitemenwe Shikulu Yesu. Lesa alekele fyonse ifyashala ukufilwa, ukumubika palya pa busanshi bwakwe, nangula ilyo dokota atile, “Ifwe tekuti tucite nangu cimo.”

⁷⁰ Kabili nombamba ilyo ukutemwa kwa Bulesa kwafika kumpela kwakuko, ukusenamina ukwapulamo kwaishile senda icifulo caciko. Cili nokucita ico inshita yonse; nga amapange yobe yali bwino, ifyakucita fyobe filifye bwino, nga mwakwata ukutemwa kwa Bulesa, nokucetekela, enda ukuya kuntanshi, ukukana twishika nangu cimo. Ilyo caisa, ukumoneka kwati impela ya bulendo naifika, lyena ukusenamina ukwapulamo kulasenda icifulo ca uko.

⁷¹ Ifyo Nacimona ukubomba! Ifyo Nacimona mu mweo wandi! Kabili tekulu masambililo fye ayamipepele, nangu teimo iyapala ica—icakupitamo ica muntu umbi. Ndi uwansansa nganshi, ileelo, ukutila kuti Nalanda ukufuma mucakupitamo candi nemwine, pakwishiba ukutila ico cishinka. Mulandu nshi tuletinina nombamba? Apofye twalishiba ukutemwa kwakwa Kristu kulatusha muli Bulesa mumitima yesu, ukutila twalifuma mumfwa ukwingila mu Mweo, ingulu shonse ukufuma kumbo tashakwata ishuko lyakwingilamo, nangula nimfwa, nga muli nokutwalilila muli kulyo kutemwa ne cicetekelo.

⁷² Cili fye kwati mwana umunono. Nga mwasenda akanya akanono...Ndi nokumulangisha, icakuti abana abanono bacumfwe. Pano pali Missisi Kelly uwikele pano pacinso cesu. Lintu umushilika cakolwa, Nincetekela ali, alipunkilemo muli bena kulya. Kabili bamutolele, ninshifye nafwa, pano. Bamutekele mucipatala, ninshi teshibe nangu cimo. Ilyo fyonse fyafilikwe, kabili alifye mukuya. Kabili, nombamba, nokutemwa kwa kwa Lesa mu mutima wakwe, ena naisa. Naile mulya bulya bushiku, kabili nombamba ukusenamina ukwapulamo kwalangishiwe, panuma yakutemwa ukwa Bulesa. Kabili ena naikala pano, muno lucelo, pakati kesu, uwa mweo ileelo.

⁷³ Mwamona, cena cintu cimo icicitika. Lintu wafika kumpela yabulendo bobbe, lintu wafika apo iwe tawingasela, lyena Amaka yakwa Lesa yali nokwisamo, kukusenamina ukwapulamo, icintu ico mulemona.

⁷⁴ Nga mwabula akana akanono, akanya akanono, akakwata ukufulwa, ukuipukumuna, kabili kalepunda, nokuipantawila, nokubilikisha. Kabili icintu cakubalilapo ico mwalaishiba, kalaikatilila umupu wakako. Kabili muli nokumona nyina akabula, nokukatinta, nokukaposa mumulu, ukukaputa pamenso. Lekenibibe. Takwatala akubako, mwilyashi lyonse ilyafyamiti, umo atalile ukufwa nga filya. Bena tekuti bafwe.

Akwetefye ubukali. Aleeshafye ukuti mumukwatile inkumbu. Alefwaya mumutentembe, kabili akwetefye icakufulwa. Kabili panuma yakukwata ukufulwa kwakwe kwafika, pacifulo cimo, naikata umupu wakwe, apo tekuti atwalilile, lyena icifyalilwa cilengilamo, kabili alaleka nokutampa ukupema bwino nakabili. Fyonse ifyakutola, ukupunda, filepanga . . . ukupata, nokuputa pamenso yakwe, cilelenga ukuti ifintu fibipileko.

⁷⁵ Uyo e musango cabelamo, panuma yakwenda ukufuma kuchalichi ukuya kuchalichi, ukufuma kuluceshi ukuya kucipilala, ukufuma kukulongana kwakundapa ukuya kukulongana kwakundapa. Munyina, bula ukutemwa nokuya kuntanishi, pantu uli pampela yabulendo. Lesa ali nokulangisha ukusenamina ukwacilapo lintu waisa pampela ya bulendo. Ilyo ukutemwa kwafika pamwisulo wakuko, Lesa aba uwakakwa nombamba. Ilyo mwafika kumpela yenu, kabili umuntu afika kumpela yakwe, lyena ukusenamina kulasenda. Cena cifyalilwa cakwa Lesa ukucita ifyo.

⁷⁶ Ifyo Ine namona ico! Ifyo kutila lintu Ndi nokuba . . . Njeleniko pali ubu ubunte bwandi nombamba, pakashita akanono. Mwalibelenga ibuuku. Kulya pali bulya ubushiku, mu Portland, ku Oregon, ilyo ishilo lyabutukile pacintamba, lyali nokunjiyaya. Imwe bonse mwalibelenga ico, nalimo, mwibuuku. Cinshi icacitike? Lesa antumine ukushimikila i Mbila nsuma. Ico Nalecita.

⁷⁷ Amakana ya bantu balilongene. Imisebo yaliswile, kabili amakana mutanda ne myanda itatu mukati; kabili imfula yaleloka, abantu abaiminine palya. Imitima yabo yalekabila, yali nensala. Kulya takwali nangu umu uwashala uwali mu mulimo. Ukusansamuka kwali mukulongana. Kabili balentinta ukumfumya mu mabumba, nafyonse ifintu naba kapokola balenshindika, pakunjingisha.

⁷⁸ Nalingilepo mumuputule, kabili umu natwele babili bakapokola kuli Kristu, mumuputule wakucinjishamo; abalumendo babili, bakapokola, mummyaka yakufyalwa nalimo amakumi yabili. Umo pali bena banyina balyundepwe, ubushiku bwafumineko. Kabili bonse babili bakonteme palya, kabili Nali batungulwile kuli Shikulu Yesu.

⁷⁹ Bafumine pacintamba, balelanda, pacicetekelo. Mukupumikishafye, ishilo ilyapumine kashimikila, mulya mu musebo, cilya cingulo, lyafyukile mucipatala, lyamuputwile ifupa lyapacipeya cakwe, lyamutobele incendwa. Lyalikwete ubushilu bwakwipaya bakashimikila. Lyaingile mukati nokutontankanya ukutula, "Iyi e nshita yandi." Uyo aishile pacintamba alefina 250 nangu 260, lyalepele mupepi nama futu mutanda nama inchi ikumi limo, lyalepepesha namaboko lyayako kuntanishi nakunuma. Lyatile, "We bumbi munda! We nsoka mucani!"

⁸⁰ Eico. Ukulongana kwakwa Lesa bwali ukulingana nobutantiko; abantu baleundapwa; amakana yalipuswike nokupalwa; bakapyunga abaputwamo. Uku kupuputulwa ukukalamba, elyo kwaletendeka, ilya nshita, ukutendeka ukuya isonde lyonse. Abaikele pamulu palya, paikele T. L. Osborn, (Ameni!) uyo uwanonka imyeo amakana amakumi kuli Kristu; aikele palya, ali kakumba wabantu cine konse konse nangu ikumi limo mulukuta lwakwe, aletambila pamuulu apakwikala.

⁸¹ Kabili lilya ishilu lyabutukile ku cintamba, mukupumfyanya ukulongana kwakwa Shikulu. Kabili atile, “We nsoka mucani! Iwe bumbi munda, ukuibikapo wemwine ngo mubomfi wakwa Lesa. Nala kulangisha, muno bushiku, ukutila tauli mubomfi wakwa Lesa. Kabili Nalatobaula ifupa lyonse mukacepesha akanono akamubili kobe.” Kabili abutukile palya nokubwesa ikofi lyakwe ilikalamba, ukuti angume.

Napilibwike. Bakashimikila balisalangene, ifintu fyonse.

⁸² Naiminine, kabili atintile ifikola nokumfwishila pamenso. Atile, “We nsoka mucani we! Nalakulangisha ifyo waba umubomfi wakwa Lesa. Iwe kabepa!”

⁸³ Nshalandilepo ishiwi nangu limo. Namuloleshefye. Kabili pamukufye umo, Mupashi wa Mushilo, icintu cimo cimbi. . .

⁸⁴ Cinshi ico wingatontonkanya ngo muntu afwishila amate pa cinso cobe? Mulandu nshi, nga mwalibamo icipyu icili conse muli iwe, kuti caima. Mucine kuti caima. Kabili kwaishile bakapokola babili, bamo bene aba. . . ? . . . nefintu muminwe yabo, ukuti bapume ulya muntu, nokumusenda. Lelo, Nshabasuminishe ukucita ico.

⁸⁵ Lesa aletele icitemwiko mu mutima wandi kuli cilye cibumbwa icifwa. Natontonkenye ukutila, “Teulya muntu. Ni ciwa ewamulengele ukuba mumibele iyo. Ulya muntu kuti aba umuntu umutuntulu uyo uufwaya ukutemwa nokuba no mweo, nga fintu abantu bambi bacita. Lelo ni ciwa uyo wamwikata ngefyo.” Kabili ukutemwa kwatendeka ukulapongoloka, pali ulya muntu. Kabili icantanshi ico mwishibe, ulya muntu apone pansi yamakasa yandi palya. Lintu ukutemwa kwa Bulesa kwalangishiwe, ukusenamina kwapulamo kwaishilemo nokubula icifulo ca uko. Cena cili nokucita ico inshita yonse.

⁸⁶ Pano tapapitile inshita iitali, lintu. . . Ine limbi nallimwebapo ici kunuma. Umwaka wafumineko, umwaka wakonka pawafumineko, cena ni nomba. Nalekwempa pamwandi kulya, ndeesha ukukwempa pamwandi, konse, konse. Nalilekele nokuyacinja ifyakufwala, nokwingila mukati nokupepelako umuntu umo, afuma. Ukuba, ulunkoto palubansa lwandi lwalikulile. Ilyo Ine. . . Kunuma, ilyo Nshilayapwisha ukukwempa ku ntanshi, lwena lwalekula.

⁸⁷ Kabili eico, Ine, ubushiku bumo, Nali kunuma kulya kulukungu na mashini yakukwempelako, ndekwempa,

ndetwalilila, ndeesha, masnini yakukwempelako iibomfya amalaiti. Kabili Nalilabile ukutla kwaliko icinsa ca malonda mucifutu mulya. Kabili Naileuma cimashini cakukwempelako muli yena. Kabili kunuma kulya, Nalifulile ishathi, nshafwele ishathi. Naumine lulya lupango na mashini yakukwempelako, ninshi nshifwele ishathi. Mukashitafye akanono, amalonda ya Nkungile umubili onse. Namwishiba ifyo yaba, ifinsa ifikalamba ifya malonda; kuti fyamwipaya. Ifintu ifikalamba ifikulu fyalelila fye! Oh, Natontonkenye. . .

⁸⁸ Pakubala, calimpele umwenso. Elyo, mukupumikisha fye, icintu cimo catendeke ukucitika, catendeke ukuba tondolo. Yalya amalonda, nalyo line ukulaenda enda. Nomba, ici cileumfwika kwati mwaice, ici cileumfwika kwati mwaice. Lelo, Lesa uwa ku Muulu naishiba nga cakutla cishinka, nangu iyo, pali Uyo Njiminine. Nomba, mucifulo cakweshwa ukulwa, nokuma nokupuma yalya amalonda, kwali ukwapala ukutemwa kwa bulesa ukwaishile pali ine.

⁸⁹ Kabili Natontonkenye ukutla, “Mwe tuntu utunono utubusu, namukwata insambu ishakukula icinsa. Iyo enshila Lesa amupangilamo mwebene. Kabili Nacimipumfyanya, kabili Ndi uwasekwa pakutla Nacicita ico. Nga kuti Nacita ici nakabili, tekuti Mupumfyanye. Nshacipinga ukucita ici.” Lelo, Natile, “Ndi mubomfi wakwa Shikulu. Kabili abana Bakwe abalwele bali muno kukupepelwa, kabili Ningile ukwangufyanya nokukwempa ulubansa. Nomba, imwe mwe fibumbwa ifinono ifyakwa Lesa, mwi Shina lyakwa Yesu Kristu, bweleleni ku cinsa cenu. Nshamusakamike.”

⁹⁰ Kabili ico cali nicinshi? Yali nincende iyo Nali nokusumwa mpaka ukufwa. Mukutemwa kwakwa Lesa, nomutima uwaipela, ukulangisha kwacitemwiko kwaishile, kabili ukusenamina kwapulamo kwatekele; ni cinshi ico cingeba yalya amalonda, ukulanda, kabili cila—kabili cila ilonda lyatampile ukushinguluka ukupupuka, kabili yatanteme ngebumba lyaba shilika, nokubwekelamo mucinsa cayako.

⁹¹ Cali ni cinshi? Tekuti nande na malonda. Tapali inshila ningalandilamo nayena. Kutu Nayakanya shani ukunsuma? Nalifikile pampela. Lelo Nalikwete icitemwiko. Lesa apele ukutemwa kwa yalya amalonda, kabili Nalandile kuli yena mwishiwi lyandi. Kabili na Mupashi wa Mushilo, ukupitila mukusenamina ukwapulamo, atungulwile yalya amalonda ukubwekelamofye ku cinsa cayako.

⁹² Tepatali kunuma kulya mu musebo, umukote Guernsey kulya ku Henryville, ubushiku bumo. Imo ng'ombe iilume kulya, iyaipeye umo umwaume wafita, kucilime cakwa Brooks kuno. Yalipeye umwaume uwafita, yali mupepi nokwipaya umulumendo waku West, munshila imo ine. Yamuposele kulya

pacilime. Nshaishibe. Nalelonda. Nalingile ukusenda imfuti; Nshaikwete.

⁹³ Ubushiku bumo, naleabuka, Natontonkenye ukutla kuti Naya—naya kulya, mukupepelako umuntu umo umulwele. Napitile muli lilya ibala, ukwabula ukutontonkanya palwa ng'ombe iilume ukuba muli lilya ibala. Kabili Nafikile pakati kebala. Cinshi cacitike? Icantanshi ico mwishibe, mufimpusa, mwaishilefuma ing'ombe iilume yaisaiminina, amasengo ayatali nga *ifi*, kabili yaishile lila. Nalishibe ukuti ni ilya ipaya.

⁹⁴ Naloleshe kunuma. Nali ukutali ukufuma kulupango, nalimo ama yadi imyanda ibili. Tayaiminine amakumi yatatu, amakumi yane amafiti ukufuma kuli ine. Yaiminine palya, namasengo naibika pesamba, yaishile lila icine cine. Nshakwete imfuti, kabili tapali icimuti icakuninapo. Nalifililwe ukubwekela kulupango. Natontonkenye ukutla, “Ukuba, iyi empela. Bill Branham, apa epo walakumanisha ukonaulwa kobe, ukwipaiwa, ukutungwa namasengo ukufika kumfwa, kunse kuno mwibala.” Naiminine palya.

⁹⁵ Lelo, mukupumikisha fye, Icintu cimo catendeke ukwikala palya...?...umutima. Ubukata bwakwa Lesa. Icintu cimo caishile mu mutima wandi. Natontonkenye ukutla, “Nacifulunganya ilye nama ibusu. Teilya inama iilanda. Ni ciwa euleilela ukucita ico.”

⁹⁶ Kabili Njishibefye icintu cimo...Ici cili apa. Ndefwaya mumfwe ico. Kwaba fye icintu cimo icingacimfya ciwa, ico kutemwa kwa Bulesa ukwasanguluka. Ukutemwa kulacimfya ifintu fyonse. “Lesa atemenwe isonde,” cena cacimfishe ilipusho lya lubembu, cena cacimfishe ilipusho lya bulwele. Kukacimfya ukupusana mu chalichi. Kukacimfya ifintu fyonse ifyabapo ifishaba nga Kwen, ifyakucimfya. Cikacita ico, nga kuti mwa Cileka ukucita ico.

⁹⁷ Kabili ilyo iyi nama ikalamba yatendeke ukulungama kuli ine. Kabili, mu cifulo cakupata ilye nama, Munyina Mike, Naliitemwenwe. Kabili Natontonkenye ukutla, “Iwe uli cibumbwa cakwa Lesa. Ninani umbi wingakupanga kano Lesa? Kabili wacilala palya mumutende, kabili Ninjisa muncende yobe, nefishibilo monse monse mwibala. Nshatontonkanya pali ico. Naciputulafye incende iyo mpitamamo lyonse, ukuti nje kulya nokupepelako umwaume uwalwele.”

⁹⁸ Kabili Namwene iyo nama ileisa, umutwe waiko ulesunkanafye mga *ifi*. Kabili yaleisa kuli ine, ukuti injipaye, kabili Nalishibe ico.

⁹⁹ Lelo ukutemwa kwa Bulesa kwatendeke ukwisa. Natontonkenye, “Icibumbwa icibusu, icishilanda icimubili, tacaishibapo nangu cimo. Ulele apo, kabili Nacikupumfyanza. Eico, nomb, Ndi mubomfi wakwa Lesa; iwe uli cibumbwa cakwa Lesa. Mwi Shina lyakwa Yesu Kristu,

bwelelenimo nokulambalala, pantu Ndi pabulendo ubwakuya mukupepelako umo pabana bakwa Lesa umulwele. Bwekelamo nokulambalala.”

¹⁰⁰ Kabili ilye ng’ombe yalishile kuli ine na maka nganshi ngefyo ingesa. Nshatinine; Nshali nomwenso ukucila nga fintu Ningaba kuli Munyina Neville nga cakuti ekele pano. Ukubafye icapwililika, icitemwiko camushilo mumutima wandi! Cinshi ico cacitile? Cena capangile umubele. Kabili ilya ng’ombe yaingilemofye mumubele ulya. Tayacilile pamafiti ikumi limo ukufuma kuli ine, yaliminine nokuposa amolu yaiko. Yaloleshefye *apa*, iyacimfiwa, nokulolesha ukwaicefya nganshi pacinso caiko, nokupilibuka, nokuya nokulambalalako panshi. Kabili Napitile mupepi namafiti yasano. Cena ni cinshi? Ilyo icitemwiko ca Bulesa calangishiwa, ukusenamina kwapulamo ekwisa mukuteka pali ilya nshita.

¹⁰¹ Ulya ali ni Lesa umo wine uwaleseshe inkalamo ukwisa kuli Daniele. Kabili shaishile nokubuluma. Kabili na Daniele aiminine palya, napombwa mukutemwa kwa kwa Lesa. Inkalamo shaile nokulambalalako. Kwali ukwamutende.

¹⁰² Ndemweba, munyinane, lintu Lesa kuti akupomba mukutemwa kwa Bulesa, kuli umutende mu mupoka poka kuli iwe nomba. Kwena ekouli.

¹⁰³ Kuno inshita imo akale, Nalefuma kulya ku Dallas, ku Texas. Naile nendeke, ndebwelelamo ku ng’anda. Nalikwete ukulongana kulya. Kabili mubulendo bwandi twaingile mumfula yacipupu, kabili imdeke yapatikishiwe ukwiminina ku Memphis. Kabili ilyo Nali mu Memphis, banbikile pamuulu palya pa Peabody Hotel, oh, incende iikalamba iya mutengo. Naumfwile kwati nshalingile ukuba palya. Nali palya pamulu ubushiku bonse, kabili nalikele ubushiku bonse. Balinjitile ulucelo ulwakonkelepo kabili batile, “Shimapepo Branham?”

“Ee.”

¹⁰⁴ Batile, “Motoka ya limosini yalaisa kusenda nomba pa sebeni koloko. Indeke ili nokuya pa sebeni-sate.”

¹⁰⁵ Natile, “Natotela, mukwai,” kabili naputwile lanya. Nalimine, nokupepa. Kabili Natontonkenye ukutula, “Ukuba, nalimo, Ninkwata inshita yakuya kumbokoshi ya kucikulwa cakutuminamo amakalata. Ukusendako amakalata muno, ayaaswike mailo ubushiku.” Nalimine nokutampa ukwenda pamusebo, naleya ndeimba ukutula:

Kwaliba abantu mupepifye nakonse,
Abo imitima yabo yaba iyabilima
No Mulilo uwaponene pa Pentecosti,
Uwasangulwile nokubalenga ukuba
 abasanguluka;
Oh, Ulebilima nomba mu mutima wandi,
Oh, ubukata kwi Shina Lyakwe!

Ndi uwa nsansa nganshi kuti Natila Ndi umo
pali bena.

¹⁰⁶ Naleya mulya mu musebo, neci cisakatu ica makalata mu kuboko kwandi, ukuya ukulola ku post office. Naumfwile Icintu cimo iceni. Namwishiba ico Ndelandapo, teifyo? Kwatifye ifintu fyonse nafikalafye bwino. Oh, wemyumfwile we! Natontonkenye ukutila, “Oh, owe, bushe ici taciweme!” Nomba, Doc atemenwe ukwimba ulwimbo ulunono:

Lekeni nyende pamo ne Nkunda ya ku Muulu;
Isusheni inshila yandi cila bushiku
nokutemwa.

¹⁰⁷ Naletontonkanya ico. Kabili uku kutemwa kutampa ukupongoloka, nakumbi. Twalikwata ukutemwa, lelo tukabila ubwingi bwa kutemwa, ukupongoloka kwa kutemwa.

¹⁰⁸ Mwatila, “Oh, Nalitemwa ababembu.” Lelo, oh, munyina, nkashi, bushe wali batemwa ukufika kukualanda nabena nokubaleta kuli Kristu? Mwamona ico Ndepilibula?

Mwatila, “Nalitemwa Shikulu.”

¹⁰⁹ Lelo bushe kuti mwa Mucetekela ilyo dokota apukunya umutwe wakwe? Bushe kuti mwa Mucetekela ilyo ifintu fyonse ifyashala nafiya? Ulekabila ukupala kwalubatishe lwacitemwiko, icitemwiko ca Bulesa. Ilyo cilemoneka kwati, ilyo wapepa, kabili ipepo lyobe talyasukwa, bushe nalyo line wali Mutemwa? Bushe kwaliba Icintu cimo icikutwala kuntanshi? Uko kusenamina ukwapulamo ukwakwa Lesa, ukuleteka. Cena cilingile ukucita ico. Cena cifyalilwa cakwa Lesa. Lesa tekuti acite icintu cimbi kano ukucita ico.

¹¹⁰ Ilyo Lesa amwene ulubembu lwa ili sonde, nokumona ukutila abantu balefwa, ukwabula isubilo, kabili tekuti bapusuke, kabili cibe Alishibe ukutila abantu bali noku Mutemwa, cena—cena canashishe Lesa, kabili cashininkishe imibele Yakwe. Imibele yakwa Lesa kutemwa. Lesa kutemwa. Kabili cena canashishe icifyalilwa cakwa Lesa, mpaka Apele inshila iyakubutukilamo kuli abo abalefwaya ukubutuka. Kabili Atumine u Mwana Wakwe mwisonde, ukulengwa mu cipasho ica mubili wa lubembu, ukusenda imembu shesu namalwele ku Kalbale. Lesa alicicitile. Ukutemwa kwa kwa Lesa, ukuya kunse, ukwitwa ukusenamina ukwapulamo.

¹¹¹ Kabili Lesa tatalile alanda ukuti, “Nga cakuti wacita ico; nga cakuti iwe wacita *ici*, Ine ndi nokucita *ici*.” Lesa, ukwabula imibele nangu imo, Atumine u Mwana Wakwe ukwisa fwa mucifulo cobe, nokupwisha ilipusho lya lubembu. Takwetepo icakucita neco ico uletontonkanya palwa cena, Lesa alicicitile, ifyo fine. Amen. Ukutemwa ukwa Bulesa, ukubikwa mukutitikishiwa kufwile ukusenda incende yakuko. Ico fye ceka e ciliko, ilyo kutemwa kwa Bulesa kwabikwa pa cifulo icalinga.

¹¹² Kutikisheni. Lulyo luelo ilyo Naikile mu ndeke, nangu nafumine kung'anda yabeni, nokutampa ukwenda mumusebo, Naleya, ndeimba. Mukupumikisha, Icintu cimo camoneke kwati calepongolokela pali ine, ukusanswa ukukalamba ukwakutemwa. Natontonkenye ukutula, "Oh, nga kuti Nacitafye... Oh, Ndecetekela, kwati Ndeumfwa, nga kuti Namonafye umuntu umo uwakupepelako!" Uyo e musango mumfwa, ilyo kuliko icintu cimo mumutima wenu, iciletinta.

¹¹³ Ubushiku bumbi... Lekeni Njimininefye pakashita nakabili? Ubushiku bumbi, Sara umunono alilwele. Lintu twatampileko, oh, kwali ukwakaba nganshi. Kabili Nshalelala cila bushiku, nalelalfaye ama ora yabili, abalendo ukufuma muncende ishapusana pusana mwisonde, balingile ukukumanya *uyu* umo, *ulya* umo, alepepa, ukushimikila imiku itatu mubushiku bumo. Oh, uwafunshika! Naleyafye... Kabili nomba Naishilefuma, kabili Nali no kulolela. Kabili nomba Nalyenseshe ba mailoshi abanono ukufuma mu musumba. Kabili Nali notulo nganshi, ulucelo celo, mpaka Nalambalalako, mumbali ya musebo, nokulala. Ayanono, ama miniti ayanono, nalimine nokutendeka nakabili. Nafililwefye ukwisula amenso yandi, naleesha ukukonkanyapo ukwenda, ukuya kuli uyu mwanakashi. Ukupita muciswebebe icakabisha nganshi ica Nebraska, nalepita mulya.

¹¹⁴ Kabili Natontonkenye ukutula, "Oh, owe!" Sara Munono tusaila yakwe nokukoloma. Akantu akanono akabusu kali akalwala, inshita yonse iyabushiku. Ulucelo ulwakonkelepo, ali umulwele nganshi, twaishile iminikafye motoka. Pamenso yakwe palebutuluka. Kabili, lyena, Nali uwanaka nganshi nokufunshika, Natontonkenye ukutula, "O mwe Lesa! Oh, ifintu nafibipa. Mwe Lesa, moneni, Ine—Ine tekuti nyenshe; Ninaka icine cine. Kabili Nali kulya nabantu Benu, ukwesha ukucita icawamisha ico Ningacita, kabili Sara umunono nalwala nganshi." Ukuba, twalile...

¹¹⁵ Kabili Naile kulya nokubika amaboko yandi pali ena. Natile, "Shifwe Uwatemwikwa uwa mu Myuulu, Nimwe mwampela uyu mwana; ena Wenu. Ine namukushafye." Nabikile indupi shandi pali ena. Icintu cimo catendeke ukwenda mumutima wandi. Ico capwishe ukuluka. Talukilepo nakabili, ukufuma pali bulya bushiku ukufika neleelo.

¹¹⁶ Ubushiku bwakonkelepo, Becky alilwele, kwati kashishi, kabili aleluka, umuntu ulya umunono alukile ubushiku bonse. Ubushiku bwakonkelepo, Meda atile, "Twalasenda Pepo-Bismol." Alitulwile ama supuni yabili nokumupela. Ulya muntu umunono aishileilukafye.

¹¹⁷ Twafikile mu Tenton. Ilyo twafumine mucalo icakaba, ukutendeka, alefwaya ukumona impili ishisuma. Alifililwe ukucita ico; ena ali umulwele nganshi. Natile, "We

mutemwikwa, mona. Ndefwaya ukusenda..." Natile, "Ba wiso balefwaya ukukopa icikope, icakuti umone ulupili kulya."

¹¹⁸ Atile, "Oh, ba taata, Ndeumfwa kwati Nalafwa." Eico twamupele naimbi Pepto-Bismol.

Twalipepele ipepo, lulyo lucelo, lyatile, "Shikulu, kwateni uluse."

¹¹⁹ Kabili—kabili, oh, ico tacacitile icisuma nangu cimo. Eico, Nalile palya, nokumufumya. Natile, "We mutemwikwa, fuma ukupweko umwela uusuma." Kwena nakutalala. Afwele ikoti lyakwe ilinono. Amenshi makasa yali palya panshi. Eico Nafumine panse, kabili aleesha uku...Atile, "Ee, taata." Kabiye, "Uhm, uhm." Kabili amenshi yalefuma mukanwa kakwe akanono. Naloleshe, kabili namenso yakwe ayanono yali ayaibwela. Kabili nakanwa kakwe akanono, kali namenshi ayengi nganshi.

¹²⁰ Naendeleko. Naloleshe pamuulu ukulola kulupili. Natile, "Ndelolesha ku mpili uko ubwafwilisho bwandi bufuma. Ubwafwilisho bwandi bufuma kuli Shikulu."

¹²¹ Panshita imoine fye, Icintu cimo catendeke ukupilibuka, muli ine. Oh, Ndakabila nga cakutla Nalicikwete inshita fye yonse. Naile kumbali ya motoka, naiswile iciibi. Natile, "Lolesha kuno kuli bawiso, wemutemwikwa." Oh, owe! Ico capwishishishe ukuluka umuyayaya. Ba miniti basano ukufuma apo, kabili ena alebutuka uku noku, aleangalagala na Sara.

¹²² Cena ni cinshi? Ilyo icitemwiko ca Bulesa calangishiwa, ukusenamina kwapulamo kulasenda icifulo ca ciko. Cena cilingile ukucita ico.

¹²³ Mulya mumusebo lulya ulucelo, naleenda mu Memphis; ukubwelela kulyashi lyandi. Naleenda mumusebo, mu Memphis, naleimba kuli Shikulu, kabili pamuku fye umo, Icintu cimo catile, "Iminina." Kabili Naliminine. Ilyo linefye, Lyatile, "Pilibuka nokubwelelamo kulubali lumbi." Ukuba, uko kwali kulola ku mumana.

¹²⁴ Natontonkenye ukutla, "Oh, owe." Nalileko pantanshiko panono. Natontonkenye ukutla, "Ukuba, ico cali fye icintu cimo ico Ine fye..." Namwishiba, mulakwata imyumfwile pali imwe, namwishiba, inshita ishing. Kabili, inshita ishing, abantu balapanga ifilubo pa kukonka ifyakumfwa mucifulo cabutungulushi bwa Bulesa. Eico Nakonkenyepo, Natontonkenye ukutla, "Uko kumfwafye ifyo Ndeumfwa." Kabili, oh, ilyo Naleya kuntanshi, elyo caile cilebipilako. Naninine, pamuulu muncende inono, naloleshe mumbali. Pali ifintu fimo ifyakulobelako panshi palya. Natontonkenye kuti Nacita kwati (abantu balepita) nalelolesha ye pali ifi fintu ifyakulobelako. Apo Nafikile, abantu bonse balifuminapo, ilyo ibumba, uko inyali yapilibukileko. Natile, "Mwebacikuku Taata wamu Myuulu, cinshi ico Mulefwaya ine ukucita? Bushe

Nimwe mwacilaenda pa mutima wandi? Ndeumfwafye kwati Ndepoleka mukati, Icintu fye cimo cilepongoloka.”

Icintu cimo catile, “Pilibuka nokubwekelamo.”

Natile, “Ukuya kwisa?”

¹²⁵ Atile, “Pilibuka nokubwelelamo.” Tacilepanga ubupusano ubuli bonse uko uleya. Twalililapofye ukulaya!

¹²⁶ Nalipilibwike nokutendeka ukwenda mulya mu musebo. Nalyendele. Naloleshe pankoloko yandi, yalenjeba ukutula, inshita naipita. Naileko pantanshi panono, ukucila panshita, sebeni sate iyashalako; pa eiti koloko, “Oh, owe, owe, owe!” Nalifikilefye kunuma kwisamba ukwali amayanda yabantu bafita, ayengi amayanda yabantu abafita, kwisamba kulya. Kabili Naleenda palya, akasuba kali mumulu lyena, mukutampa kukutampa kwafintu ukutula, amakumbi yonse yalile. Natontonkenye ukutula, “Ukuba, Ninshala kuyandi... Ni—Ninshala kundeke yandi.” Lelo, Natontonkenye ukutula, “Oh, mwe Lesa, Ine...Cili fye bwino nga Nashala ku ndeke, cikulu fye Imwe...Uko Mulentungulula, Shikulu? Nshishibe uko Mulentwala. Nikwisa Ndeya?” Te mulimo wandi; nalatwalililapofye ukwenda. Natwalililepofye ukwenda.

¹²⁷ Panuma yakashita, Naloleshe. Kwalebela pa mpongolo, nga *ifi*, kwaliko mayo Jemima umwine mwine akobeme palya pa mpongolo, na masaya yakwe ayakalamba ayaina; naiminina palya, neshati ilyapombwa ku mutwe wakwe nga *ifi*, kabili ilyakakwa kunuma. Naleenda nga filya. Kabili Nafikile pali ena, ifilamba fyalekonkoloka pa masaya yakwe ayakalamba ayaina nga filya. Andoleshe, atile, “Mwashibukeni, kapyunga.”

Natile, “Mayo,” atile, “mwashibukeni.”

¹²⁸ Alinsekele nokundolesha, nefilamba mumenso yakwe. Natontonkenye ukutula, “Anjitile, ‘Kapyunga.’” Ico eco beta kashimikila ku Masamba, namwishiba.

Kabili Natile, “Wacishiba shani ukutula Nine kapyunga?”

Atile, “Nacishiba ukutula uleisa.”

“Cinshi?”

Atile, “Nacishiba ukutula uleisa.”

Natile, “Nshileumfwa, Mayo. Bushe kuti mwanjeba?”

¹²⁹ Atile, “Nawishiba, bushe walitala aubelenga lilya ilyashi palwa mwanakashi umwina Shunami uyo uushakwete abana nangu bamo, kabili ena aipwishe Shikulu ukumupela umwana?” Kabili atile, “Kabili Eliya alishile nokumupala, kabili aishile kwata umwana?”

Natile, “Ee, mayo. Ndeibukisha ico.”

¹³⁰ Atile, “Nine ulya mwanakashi wa musango ngoyo.” Atile, “Nshakwetepo abana nangu bamo. Kabili Napepele kuli Shikulu, kabili Naebele Shikulu ukutula; nga kuti

Ampala nokumpela umwana, lyena kuti Namukusha aba u Wakwe.” Kabili atile, “Alimpele umwana.” Kabili atile, “Nalicapa apakucapila,” akanono palya lubali. Atile, “Nalicapa pacakucapilao pakukusha uyu mwana.” Kabili atile, “Lintu akulile, kapyunga, a—aile munshila iyalubana.” Kabili atile, “Ena aile kunse nebumba ilyalubana, kabili ena alele muno, alefwa.”

¹³¹ Kabili atile, “Umwaume dokota ali pano, ubushiku bwafumineko, lintu ena afwile umutombo, kabili batile tapali eco bengamucitila nangu cimo. Balipele mutanda-pali mutanda Salvarsan, nafyonse ifintu, mercury, na penincilin; tapali nangu cimo icacitike. Ubulwele bwalwambu, akasele, ndemona umushipa naonaika kumutima.”

¹³² Kabili atile, “Tapali nangu cimo icingacitwa kuli ena.” Kabili atile, “Ena alele pano alefwa. Kabili atile, ‘O mwe Shikulu, Nshalefwaya ukumona umwana wandi ukufwa ngefyo.’” Kabili atile, “Ine—Ine...Nga kuti Namumfwafye alanda ukutula alipusuka.” Kabili atile, “Nalipepele, kabili Nalipepele, panshiku shibili ubushiku.”

¹³³ Atile, “Muno lucelo, nalimo pa fili koloko,” atile, “Shikulu acimbika mutulo, ninshi nimfukama pa makufi yandi.” Atile, “Nacilota iciloto.” Atile, “Nacimona umwaume aleisa nafwala suti yabuuta, nafwala akasote akanono aka ku mboshi nakekala kulubali lwa mutwe wakwe. Nacitila, ‘Shikulu, Nine umwanakashi, lelo ali kwi Eliya Wenu?’ Acitila ‘Uyu pano aisa.’”

¹³⁴ Atile, “Nacisafumafye muli bulya busanshi, kabili Ninjiminina pano pene ukutula lilya line, ukulolela imwe.” Uyo e musango Nafwalilemo, filya fine fye.

¹³⁵ Oh, munyina, lintu ukutemwa ukwa Bulesa kwalangwa, ulya nyina pamo nomwana wakwe, ee, umwanda umo na makumi cine konse konse amapaundi, lelo ali acili umwana wakwe, nalambalala, alefwa munsoni. Te mulandu ifyo ali mumusebanya, aali mwana wakwe. Ali mutemenwe. Ico citemwiko cakwa nyina. Temulandu eflyo aletele umusebanya, ena alimutemenwe.

¹³⁶ Kabili nga teti mulabe umwana wenu, te mulandu ifyo cili, lyena cipulemo ifyo Lesa teti amulabe? Atile, “Amashina yenu yalilembwa pa fisansa fya minwe Yandi. Nyina kuti alaba umwana wakwe uuleonka, lelo Nshakatale mulaba.” Temulandu ifyo mwacita, eflyo wabwelela inuma, ifyowaiposamo, Lesa acili alikutemwa. Lesa ali mutemwa. Sungeni kulyo kutemwa kuletwalilila. Mwileka kufilwe.

¹³⁷ Eico, alipemene. Atile, “Oh, Ine tekuti ncicitefye.” Kabili atile, “Kapyunga, Nacilota iciloto, kabili Nacikumona uleisa.” Kabili atile, “Ilyo Nacilolesha mulya mu musebo, kabili Nacikumona ilya iinono, suti iyabuta, kabili kalya kasote

akanono kekele pamulu wa mutwe obe,” atile, “u Mupashi wacitila kuli ine, ‘Uyo ali palya.’” Kabili atile, “Bushe tawaingile?”

¹³⁸ Natontonkenye ukutula, “O mwe Lesa,” Natontonkenye ukutula, “nalimo pano epo Mwacintungulula, uyu e mulandu wine Nacishila.” Nshaishibe.

¹³⁹ Naiswile impongolo. Yakwete umunyololo necela cakuliminako pali yena. Nshishibe nga cakutula mwalitala amumonapo imo, nangu iyo. Naiswile cilya ciibi nokwingila.

¹⁴⁰ Munyina, Naliya mumasano yamfumu. Naliyapo mumayanda ayabakankala ayabamo muno mucalo. Naliyapo mumo mubantu bamamillioni, ayashitwa amakumi yabili... ukufika pama dolla ama millioni amakumi yabili nacine konse konse ama dolla. Nalyenda pamamati yabo, umwali chenille, ukufuma kulubali lumu ukufika kulubali lumbi, ilyo Nalambalele nokupona mutulo pali mati ilya, aya mumayanda ayasuma.

¹⁴¹ Lelo takwali nangu ni mati panshi. Kabili mwali ubusanshi wanceshi shafyela palya; ubwaseka, ubulangeti nabamufimba umulumendo uyu. Pali icishibilo pa ciibi, “Lesa apale ing’anda yesu.” Nalishibe ukutula Nali mu nga’nda ya bena Kristu. Nalishibe ukutula Nali kuncende imo uko ipepo lyapelwe. Tamwali ifyakukambatika kufibumba, tamwali ifikope ifyabipa; lelo Baibele yali iyaisuka pa linono, ilyakale itebulo ilyamabwe pa mulu, ili palya.

¹⁴² Nomulumendo umukulu nalala palya pabusanshi, naikata ifyakufimbana, aletila, “Uhm! Uhm!”

¹⁴³ Natontonkenye ukutula, “Oh, owe.” Naumfwile amakasa yakwe; yali ayalambatila kabili ayatalala. Imfwa yali pa mulumendo.

Kabili alitwalililepo ukutula, “Oh, nakufita nganshi! Nakufita nganshi!”

Kabili Natile, “Cinshi ico alelandapo?”

¹⁴⁴ Ena atile, “Kapyunga,” atile, “atontonkanya pali shena ishingi nomba, ukutula ali pali bamba umukalamba, naluba.” Atile, “Teshibe uko aleya.” Kabili atile, “Ico ecilecena umutima wandi.” Atile, “Ena aleya, kabili aliluba, pali bamba, kabili taishiba uko aleya.” Atile, “Kapyunga, Nalipepa. Nalicita ifintu fyonse. Nalicita ifintu fyonse. Nshilefwaya ena ukuluba, kapyunga.” Kabili atile, “Uyo e mulandu wine Nalepepela.”

Natile, “Mayo, cinshi icilubene nomulumendo?”

¹⁴⁵ Atile, “Bwena bulwele bwa lwambu. Umwaume dokota atile alefwa, tapali nangu cimo icingacitwa.” Kabili atile, “Teshibe nangu cimo. Aliluba pali bamba panshiku shibili.”

Atile, “Bushe walamupepelako?”

146 Natile, “Mayo, ishina lyandi nine Branham. Bushe walitala aumfwapo pali ine?”

Atile, “Iyo, mukwai. Nshilecetekela ukutla Nalikwishiba, kapyunga.”

147 Natile, “Ukuba, Nalamweba ilyashi.” Natile, “Ubupyangishi bwandi kupepelela abalwele.”

Atile, “Efyo caba?”

148 Natile, “Ee.” Kabili Natile, nalimwebele palwa ndeke ukwikila, nefintu fyonse.

Atile, “Bushe ico cishinka, kapyunga?”

Natile, “Ee.”

Atile, “Ukuba, Nalishibe ukutla Ena tekuti ansuminishe ico.”

Natile, “Pela ipepo, Mayo.”

149 Kabili afukeme palya, kabili mulelanda pe pepo! Oh, munyina, ifyo ulya uwashila umukote aikete Lesa. Alipepele, mpaka ifilamba fyapona pamenso yakwe.

Naliloleshe pamuulu. Kabili ena alitwalililepo ukutla, “Oooh!”

Kabili Natile, “Nomba, Mayo, Nalapepa. Imwe pamo naine.”

150 Nabikile amaboko yandi pamakasa yakwe. Natile, “Taata uwamu Myuulu, indeke yandi naiya, ukukonkafye nefyo Njishibe. Kabili pano uyu umulanda nyina umukalamba alelililako umwana wakwe. Kabili ukukonkafye nefyo Njishibe, apa epo Muntungulwile. Ndepepa ukutla Mwalaba abaluse kuli ena.”

151 Kabili pali ilya ine nshita, Namumfwile aletila, “Mayo, oh, mayo!”

152 Ena alimine nokumuna ifilamba ukufuma mu menso yakwe, atile, “Ee, mutemwikwa. Umwana wakwa mayo aleumfwako bwino?” Atendeke ukumupampansha pa mutwe.

153 Atile, “Mayo, muleya mulebuta mumuputule. Muleya mulebuta mumuputule.”

154 Ukutemwa ukwa maka! Lintu Ukutemwa ukwa maka kwalangishiwe mu mutima wakwa Lesa, ukusenamina ukwapulamo kwali nokwasuka mucifulo caciko. Lintu Natontonkanya, ukutla nacifyashi umubusu palya, naikatilila nepepo lyakwe kuli Lesa, kabili nafyonse ifi! Kabili nomba cinshi cacitike? Lesa, ukupitila mukusenamina Kwakwe; Lesa, muluse Lwakwe, kuti aleta indeke ukufuma mulwelele nokuikatilila panshi, ukwasuka amapepo yamubusu, umututu, umwanakashi uwafita, ilyo icitemwiko ca Bulesa calangishiwe. Te mulandu ifyo ali umubusu, ifyo aali uwafita, ifyo aali uwamutuntula, ifyo aali; ilyo ukusenamina kwakwa Lesa

kwaisapo, ukusenamina ukwapulamo kwasenda icifulo caciko. Kulyo kutemwa kwa ulya nyina umukote kulya, ifyo alilile!

155 No mulumendo, iinono... Panuma yamyaka ibili panuma yaifyo, Nalileko, kabili nali peshitima ndeya. Nalikile, kabili naile kulya mukushita umukate wabikwamo inama nomusalu. Bena balefwaya nalimo amacenti amakumi cine lubali nangu cinekonse konse aya yena, mundeke, kabili Ine... mwishitima. Kabili Nali nokushita pama senti amakumi yabili mukali tuka. Nalifumine mwishitima, natendeke ukuya kulya. Kwaliko icisote icakashika, atile, "Shani, Kapyunga Branham!"

Naloleshe konse konse. Natile, "Mwashibukeni, wemwana."

"Ukuba," atile, "bushe taunjishibe?"

Natile, "Iyo, Nshilecetekela ukutula Nalikwishiba."

156 Atile, "Uleibukisha, nalimo imyaka ibili iyapitapo, ilyo waishile no kumpepelako? Nabamayo kulya?"

Natile, "Bushe niwe ulya mulumendo?"

157 Atile, "Ee, mukwai, Kapyunga Branham." Atile, "Ine nshaundapwa fye, lelo Nalipusuka nombamba. Ndi mwina Kristu."

158 Ukusenamina kwakuiteka! Ee, mukwai, munyina! Ndemweba, lintu ukusenamina... Lintu Lesa amona ukutemwa kwalangwa, ukusenamina kufwile kwasenda incende yakuko.

159 Imilungu inono iyapitapo, ku ng'anda yandi, muleibukisha ico; mwebengi, ukuba, ilyo ulya opossumu uwakale alambalele kulya. Ilyo, uyu umukashana umunono pano uwanweneshe umwana wakwe. Kabili ilyo Lesa amupele umwana; kabili ena talefwaya ukumukusha, kabili amupombebe mwibulangeti nokumuposa mumumana. Natile, "Ulya te nacifyashi. Cilya cacila imbwa. Inama tekuti icite ico."

160 Kabili nga ukutemwa ukwapulamo ukwakwa Lesa kuti, kuti kwaya kucinama, cinga cilapo kuli ena ukulangwa ku mwaume nangu umwanakashi? Ico nacilungama.

161 Kabili uyu umukote nyina opossumu aleya mulya mukashila, mwalishiba ilyashi. Kabili nefyo aishile mukati, nokulala palya pama stepu yandi, pama ora amakumi yabili nayane, ukwabula ukwishiba nangu cimo palwa ico.

162 Munyina Wood na bena abekele kunuma kulya, na Nkashi Wood, noluse pali cilya cintu, atile, "Munyina Branham, cinshi ico uwalaekela cena ukucula? Nabana abanono abakwa opossumu baleonka umukaka kuli ena; nalambalala palya, nafwa?" Atile, "Mulandu nshi tekuti ubepaye, Munyina Branham, nangu ukonaula nyina umukote?" Ena tafwile icine cine. Ena ali...Iwe kuti wamumamo, kabili ena...iwe kuti wamutamfyafye.

Kabili, alele palya ubushiku bonse.

¹⁶³ Kabili ubushiku bwakonkelepo, umunono Becky uwakale palya, aishile fuma, atile, “Taata?” Cisuma, ulucelo ulwakonkelepo, nalimo mukasuba, atile, “Ni cinshi ico muli nokucita na ulya opossum, taata?” Atile, “Nacilatontonkanya pali ico ubushiku bonse.”

¹⁶⁴ Kabili Natile, “Efyo na Ine wine, Becky.” Naile mulya mumuputule. Natile, “Bwekelamo kabiye mukulala, wemutemwikwa. Cicili ulucelo ubwakubuka.”

¹⁶⁵ Nalikele panshi mulya mu muputule wandi ica kusomenamo. Natontonkenye ukutula, “Ukuba,...?...” Natontonkenye ukuitula, “Ningile ukucita icintu cimo na ilya opossum uwakale. Nshishibe ifyakucita.”

¹⁶⁶ Nomba Naumfwile i Shiwi, icakutula Nshaleenekela Lyena.

¹⁶⁷ Palya pene, ilyo ama apo yaikile lulya lucelo, pali Munyina Hall, ilyo ena aundepwe, ne mpwalonda. Palya pali abalwele nabalecushiwa baposhiwa. Naikele umunono, mumuputule wakatushishamo.

¹⁶⁸ Naumfwile i Shiwi liletila, “Nakutuma kuli iwe. Alambalele nga namayo, pama ora amakumi yabili na yane, ukulolela inshita yakako ukupepelelwa. Kabili tawalandilepo ishiwi kuli Ine palwa ico.”

¹⁶⁹ Natile, “Ukuba, Nshaishibe nokwishiba ico.” Natile, “Ukuba, Ulepilibula ukutula Watumine ulya opossumu kulya?”

¹⁷⁰ Natontonkenye ukutula, “Cinshi icilecitika na ine? Bushe Ndelanda kuli ine ne mwine?” Naliikete ne mwine ukulanda kuli ine.

¹⁷¹ Nalyendele kunse kulya, Becky umunono ali acili alelolesha ukupula pa mwinshi. Nalyendele ukuya kulya. Uyo opossumu uwakale palya; nomume ponse pali ena, nefintu fyonse ifyashala. Natile, “Shifwe uwa mu Muulu, nga Mwalituma ulya umubusu, opossumu umututu, nga Imwe na mutumina kuno, munshila imo, Na...libikile mu mutima wandi ukutemwa ena, pakuba nyina, icakutula Ine tekuti mwipaye, tekuti njipaye abana bakwe. Kabili ukusenamina ukwapulamo, ukufundisha abantu abashala, ukutula bafwile ukwishiba, amuletele pano. Kabili, mwe Lesa, Napepa mwi Shina lyakwa Kristu, ukutula Mwala mundapa.”

¹⁷² Kabili ulya umukote opossumu, namolu ayaisulamo imititi, kabili alekukulula kunuma yakwe, kwafimbile imiku ibili ukucila pafyo kwaba; aiminine pali kulya ukulu. Nokwimya abana balya, nokubabika mwitumba lyabo, aendele ukupita mulya umutuntulu fye nge cinema icili conse ico watala monapo ukwenda. Apilibwike, kuli ine; kwati kupilibuka, nokutula, “Natotela, mwebaluse mukwai.” Ukulingana nefyo Naishiba, bena bali abansansa nganshi notunya twakwe ileelo.

¹⁷³ Mulandu nshi? Ilyo ukutemwa kwa Bulesa nga bwaisa, ukusenamina kwapulamo kulasenda incende kwakuko. Munyinane, nkashi, kwabafye icintu cimo icakucita mumweo obe, ico cili, “Temwa Shikulu Lesa obe no mutima obe onse, no mweo obe onse, namaka yobe yonse, na mano yobe yonse,” no kucetekela i Cebo conse ico Alandile ukutila Cine. Kabili ilyo waisa kumpela yabulendo bobbe, apo tekuti utwalilile, nomba ukwa Bulesa, ukusenamina ukwapulamo kuli nokulangishiwa.

¹⁷⁴ Musango nshi Ningalanda kuli ena, nalambalala kulya, ilyo ba Mayo Brothers balimufililwe, aikele mumbali yalukungu palya, na Munyina Cox naikala mupepi naine, aleingililamo icalcitika. Nalifililwe ukushipikisha. Lelo atile . . . 

56-0826 Ukutemwa Kwa Bulesa
Branham Tabernacle
Jeffersonville, Indiana U.S.A.

BEMBA

©2026 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti Iya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org